

四庫全書

史部

欽定四庫全書

史部

遼史

目錄
卷一
五

詳校官庶吉士臣龍廷槐

給事中臣查善長覆勘

總校官編修臣朱鈐

校對官庶吉士臣蔣子蒲

謄錄監生臣劉如阜

御製改譯遼金元三史序

改譯遼金元三史成司事者以序請史無序例也
齊梁陳書及後五代乃有序蓋出於宋臣修史者
初為之飾例也亦足以觀其政之不綱而事之紛
紊也若今三史之請序將比於孰乎曰彼之序皆
序其事而此之序乃序其言則不可以齊梁等比
之矣序其言亦非為之修辭飾說乃改譯漢文譯
其國語之訛誤者至於其國制度之理亂君臣之

得失未嘗一字易蓋史者信也所以傳萬世垂法
戒彼其時之史或已不能保其必信數百年之後
無庸為之修飾且改譯者不過正其訛誤之語而
其舊史之布天下者自在也讀史者執舊簡而証
以新書則可知語之異而事之同則此序之不可
不作乃所以明吾志也夫春秋一字之褒貶示聖
人大公至正之心若遼金元三國之譯漢文則出于
秦越人視肥瘠者之手性情各別語言不通而

又有謬寓嗤斥之意存焉此豈春秋一字褒貶之
為哉向于改譯三史之旨及同文韻統熱河志諸
序已屢言之茲不復綴夫遼金雖稱帝究屬偏安
元雖一統而主中華者纔八十年其時漢人之為
臣僕者心意終未浹洽我國家承

天庥命逮極垂統至於今百四十年矣漢人為臣僕者
自其高曾逮將五世性情無所不通語言無所不
曉且令之纂修諸臣即有善通清書兼習諸國字

之人則茲三史必當及此時而改譯其訛誤者是
則吾于遼金元三代寔厚有造而慰焉雖然造
非吾造乃

天造我國家重熙累洽而後得此則所以祈

天永命日慎一日之忱惟益兢兢懼乃勝于慰焉云耳

進遼史表

開府儀同三司上柱國錄軍國重事中書右丞相監修
國史領經筵事臣托克托言竊惟天文莫驗於璣衡人
事莫證於簡策人主監天時之休咎則必察乎璣衡之
精監人事之得失則必考乎簡策之信是以二者所掌
俱有太史之稱然天道幽而難知人情顯而易見動靜
者吉凶之兆敬怠者興亡之機史臣雖述前代之設施
大意有助人君之鑑戒遼自唐季基于朔方造物本席

於干戈致治能資於黼黻敬天尊祖而出入必祭親仁
善鄰而和戰以宜南府治民北府治兵春狩省耕秋狩
省歛吏課每嚴於芻牧歲饑屢賜乎田租至若觀市赦
罪則脗合六典之規臨軒策士則恪遵三歲之制享國
二百一十九載政刑日舉品式備具盖有足尚者焉迨
夫子孫失御上下離心驕盈盛而釁隙生讒賊興而根
本蹙變強為弱易於反掌吁可畏哉天祚自絕達實苟
延國旣邱墟史亦蕪弗耶律儼語多避忌陳大任辭乏

精詳五代史繫之終篇宋舊史埒諸載記予奪各徇其
主傳聞況失其真我世祖皇帝一視同仁深加愍惻嘗
勅詞臣撰次三史首及於遼六十餘年歲月因循造物
有待臣托克托誠惶誠恐頓首頓首欽惟皇帝陛下如
堯稽古而簡寬容衆若舜好問而濬哲冠倫講經兼誦
乎祖謨訪治旁求乎往牒茲修史事斷自宸衷睿旨下
而徵聘行朝士賀而遺逸起於是命臣托克托以中書
右丞相領都總裁中書平章政事臣特穆爾達實中書

右丞今平章政事臣賀惟一御史中丞今翰林學士承
旨臣張起巖翰林學士臣毆陽立侍御史今集賢侍講
學士兼國子祭酒臣呂思誠翰林侍講學士臣揭傒斯
奉命為總裁官中書選儒臣宗文太監今兵部尚書
臣廉和斯哈雅翰林直學士臣王沂秘書著作佐郎臣
徐昂國史院編修官臣陳繹曾分撰遼史起至正三年
四月迄四年三月發故府之櫝藏集遐方之匭獻蒐羅
剔抉刪潤研劇紀志表傳勒成一代之書臧否是非不

迷千載之實臣托克托叨承隆寄幸覩成功載宣日月
之光華願效涓埃之補報我朝之論議歸正氣之直則
辭之昌遼國之君臣有知善者勸而惡者懼所撰本紀
三十卷志三十一卷表八卷列傳四十五卷各著論贊
具存體裁隨表以聞上塵天覽下情無任慚懼戰汗屏
營之至臣托克托誠惶誠懼頓首頓首謹言

欽定四庫全書

史部一

通史目錄

正史類

本紀三十卷

志三十一卷

表八卷

列傳四十五卷

凡一百一十五卷

本紀

卷一

本紀第一

太祖上

卷二

本紀第二

太祖下

卷三

本紀第三

太宗上

卷四

本紀第四

太宗下

卷五

本紀第五

世宗

卷六

本紀第六

穆宗上

卷七

本紀第七

穆宗下

卷八

本紀第八

景宗上

卷九

本紀第九

景宗下

卷十

本紀第十

聖宗一

卷十一

本紀第十一

聖宗二

卷十二

本紀第十二

聖宗三

卷十三

本紀第十三

聖宗四

卷十四

本紀第十四

聖宗五

卷十五

本紀第十五

聖宗六

卷十六

本紀第十六

聖宗七

卷十七

本紀第十七

聖宗八

卷十八

本紀第十八

興宗一

卷十九

本紀第十九

興宗二

卷二十

本紀第二十

興宗三

卷二十一

本紀第二十一

道宗一

卷二十二

本紀第二十二

道宗二

卷二十三

本紀第二十三

道宗三

卷二十四

本紀第二十四

道宗四

卷二十五

本紀第二十五

道宗五

卷二十六

本紀第二十六

道宗六

卷二十七

本紀第二十七

天祚一

卷二十八

本紀第二十八

天祚二

卷二十九

本紀第二十九

天祚三

卷三十

本紀第三十

天祚四

志

卷三十一

志第一

營衛上

宮衛

卷三十二

志第二

營衛中

巴納

部族上

卷三十三

志第三

營衛下

部族下

卷三十四

志第四

兵衛上

兵制

卷三十五

志第五

兵衛中

御帳親軍

宮衛騎軍

大首領軍

衆部族軍

卷二十六

志第六

兵衛下

五京都鄉丁

屬國軍

邊境戍兵

卷三十七

志第七

地理一

上京道

邊防城

卷三十八

志第八

地理二

東京道

卷三十九

志第九

地理三

中京道

卷四十

志第十

地理四

南京道

卷四十一

志第十一

地理五

西京道

卷四十二

志第十二

歷象上

大明歷元

卷四十三

志第十三

歷象中

閏考

朔考上

卷四十四

志第十四

厯象下

朔考下

象

刻漏

官星

卷四十五

志第十五

百官一

北面上

卷四十六

志第十六

百官二

北面下

卷四十七

志第十七上

百官三

南面上

卷四十八

志第十七下

百官四

南面下

卷四十九

志第十八

禮一

吉儀

卷五十

志第十九

禮二

凶儀

卷五十一

志第二十

禮三

軍儀

禮四

賓儀

卷五十二

志第二十一

禮五

嘉儀上

卷五十三

志第二十二

禮六

嘉儀下

卷五十四

志第二十三

樂

國樂

雅樂

大樂

散樂

鼓吹樂

橫吹樂

卷五十五

志第二十四

儀衛一

國輿

漢輿

卷五十六

志第二十五

儀衛二

國服

漢服

卷五十七

志第二十六

儀衛三

符印

卷五十八

志第二十七

儀衛四

國仗

渤海仗

漢仗

鹵簿儀仗總目

卷五十九

志第二十八

食貨上

卷六十

志第二十九

食貨下

卷六十一

志第三十

刑法上

卷六十二

志第三十一

刑法下

表

卷六十三

表第一

世表

卷六十四

表第二

皇子表

卷六十五

表第三

公主表

卷六十六

表第四

皇族表

卷六十七

表第五

外戚表

卷六十八

表第六

遊幸表

卷六十九

表第七

部族表

卷七十

表第八

屬國表

列傳

卷七十一

列傳第一

后妃

肅祖昭烈皇后蕭氏
懿祖莊敬皇后蕭氏

玄祖簡獻皇后蕭氏
德祖宣簡皇后蕭氏

太祖淳欽皇后舒嚕氏

太祖靖安皇后蕭氏
世祖懷節皇后蕭氏

世宗妃甄氏
穆宗皇后蕭氏

景宗睿知皇后蕭氏

聖宗仁德皇后蕭氏

聖宗欽哀皇后蕭氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

卷七十二

列傳第二

宗室

義宗

貝

子平王隆先

晉王道隱

章肅皇帝

魯呼

子宋王喜隱

順宗

濬

晉王額魯溫

卷七十三

列傳第三

耶律赫魯

蕭達魯

阿古齊

耶律實訥齊

隆科

佛德

耶律欲穩

耶律哈里

卷七十四

列傳第四

耶律迪里

蕭罕都

康默記

延壽

韓延徽

德樞
紹芳

紹勳
資讓

韓知古

匡嗣

德源

德凝

卷七十五

列傳第五

耶律迪里

伊濟

耶律都沁

古

圖魯卜

王郁

耶律圖勒錦

卷七十六

列傳第六

耶律嘉哩

耶律巴哩岱

耶律碩格

耶律羅卜科

趙延壽

高模翰

趙思溫

耶律烏魯斯

目錄
張礪

卷七十七

列傳第七

耶律烏哲

耶律吼
和勒博

耶律安圖

耶律斡

耶律托雲

耶律塔拉

卷七十八

列傳第八

耶律伊勒哈

蕭哈里

蕭和斯

蕭思溫

蕭繼先

卷七十九

列傳第九

室昉

耶律賢適

尼哩

郭襲

耶律阿穆爾

卷八十

列傳第十

張儉

邢抱朴

馬得臣

蕭朴

耶律巴格

卷八十一

列傳第十一

耶律舒魯

烏魯斯

王繼忠

蕭孝忠

陳扎衮

蕭和卓

卷八十二

列傳第十二

耶律隆運

德威

遼魯

制心

耶律巴古濟

蕭揚阿克

武白

蕭常格

耶律和克

穆爾古

卷八十三

列傳第十三

耶律休格

瑪格

耶律色珍

耶律希達

耶律學古

額布勒

卷八十四

列傳第十四

耶律沙

耶律穆濟

蕭幹

托果

耶律善補

耶律哈里

卷八十五

列傳第十五

蕭達林

蕭觀音努

耶律托色

耶律轄哩

耶律諾袞

蕭柳

高勲

奚和碩

蕭塔喇噶

耶律薩哈勃

卷八十六

列傳第十六

耶律和卓

劉景

劉六符

耶律紐幹哩

牛溫舒

杜防

蕭和尚

特默

耶律哈爾吉

耶律博迪

卷八十七

蕭孝穆

薩巴孝友

孝先

蕭博諾

耶律布庫

夏行美

卷八十八

列傳第十八

蕭迪里

巴拉

耶律博諾

蕭巴雅爾

恒德必塔

耶律資忠

耶律揚珠

耶律鴻觀

高正

耶律達魯

大康又

卷八十九

列傳第十九

耶律庶成

庶歲
富魯

楊哲

耶律韓留

楊佺

耶律和尚

卷九十

列傳第二十

蕭阿拉

耶律義先 弟信先

蕭托輝

蕭塔喇噶

耶律達魯

卷九十一

列傳第二十一

耶律罕巴

耶律唐古

蕭珠展 姪藥師努

耶律玠

耶律布勒圖

卷九十二

列傳第二十二

蕭道拉

蕭布達

耶律浩善

耶律古雲

耶律圖丹

蕭罕扎

蕭烏頁

卷九十三

列傳第二十三

蕭惠

燕實努

蕭雅魯

都勒幹

蕭托雲

耶律都沁

卷九十四

列傳第二十四

耶律華格

耶律幹拉

耶律蘇色

蕭阿魯岱

耶律納延

耶律和囉木薩噶

耶律世良

卷九十五

列傳第二十五

耶律鴻觀

耶律瑪魯

蕭迪里

耶律達魯

耶律辰嘉努

耶律特默

耶律仙童

蕭素颺

耶律大悲努

卷九十六

列傳第二十六

耶律仁先

北
卜嘉

耶律良

蕭罕嘉努

蕭德

蕭惟信

蕭約音努

耶律迪里

姚景行

耶律阿蘇

卷九十七

列傳第二十七

耶律額特埒

哈里

實景庸

耶律音濟

楊績

趙徽

王觀

耶律古遜

卷九十八

列傳第二十八

蕭烏納

耶律儼

劉仲

耶律呼哩

卷九十九

列傳第二十九

蕭巖壽

耶律薩喇

蕭蘇色

耶律托卜嘉

蕭托卜嘉

蕭和克

耶律實嚕

卷一百

列傳第三十

耶律唐古

蕭塔喇台

蕭綽哈

耶律章努

耶律珠展

卷一百一

列傳第三十一

蕭托斯和

耶律阿息保

蕭伊實

蕭呼都克

卷一百二

列傳第三十二

蕭奉先

李處溫

張琳

耶律伊都

卷一百三

列傳第三十三

文學上

蕭罕嘉努李澣

卷一百四

列傳第三十四

文學下

王鼎

耶律昭

劉輝

耶律孟簡

耶律古雲

卷一百五

列傳第三十五

能吏

大公鼎

蕭文

馬人望

耶律都勒幹

楊遵勗

王崇

卷一百六

列傳第三十六

卓行

蕭扎拉

耶律官努

蕭普爾布

卷一百七

列傳第三十七

列女

邢簡妻

耶律氏常格

耶律努妻

耶律珠展妻

耶律中妻

卷一百八

列傳第三十八

方技

珠勒呼

王白

魏璘

耶律達魯

耶律伊伯格勒

卷一百九

列傳第三十九

伶官

羅衣輕

宦官

王繼恩

趙安仁

卷一百一十

列傳第四十

姦臣上

耶律伊遜

張孝傑

耶律雅克

蕭錫沙

卷一百一十一

列傳第四十

姦臣下

蕭額哩頁

耶律赫魯

蕭塔喇台

蕭額圖琿

蕭達魯噶

耶律托卜嘉

蕭特古斯

卷一百一十二

列傳第四十二

逆臣上

希達

塔喇台

華格

察克

隆科

重元

尼魯古

卷一百一十三

列傳第四十三

逆臣中

蕭翰

耶律德呼

耶律朗

耶律瑠格

瑠都

耶律哈斯

耶律迪里

蕭格

卷一百一十四

列傳第四十四

逆臣下

蕭呼都克

蕭塔喇台

庫德

耶律薩喇蘇

奚和勒博

蕭特烈

卷一百一十五

列傳第四十五

外紀

高麗

西夏

臣等謹案遼史一百十五卷元托克托等奉
勅撰至正三年四月詔儒臣分撰遼史四年
三月書成為本紀三十卷志三十一卷列傳

四十五卷考遼制書禁甚嚴凡國人著述惟

聽刊行於境內有傳於鄰境者罪至死

見沈括夢

溪筆談僧行均
龍龕手鑑條下

蓋國之虛實不以示敵用意

至深然以此不流播於天下迨五京兵燹之
後遂至舊章散失漸滅無遺觀袁桷修三史
議蘇天爵三史質疑知遼代載籍可備修史
之質者寥寥無幾故當時所據惟耶律儼陳
大任二家之書見聞既隘又藏功於一載之

內無暇旁搜潦草成編實多疎略其間左支
右絀痕跡灼然如每年遊幸既具書於本紀
矣復為遊幸表一卷部族之分合既詳述於
營衛志矣復為部族表一卷屬國之貢使亦
具見於本紀矣復為屬國表一卷義宗之奔
唐章肅之爭國既屢見於紀志表矣復累書
於列傳文學僅六人而分為兩卷伶官宦官
本無可紀載而強綴三人此其重複瑣碎在

史臣非不自知特以無米之炊足窮巧婦故不得已而縷割分隸以求卷帙之盈勢使之然不足怪也然遼典雖不足徵宋籍非無可考東都事略載遼太宗建國號大遼聖宗即位改大遼為大契丹國道宗咸雍二年復改國號大遼考重熙十六年釋迦佛舍利鐵塔記石刻今尚存古爾板蘇巴爾漢其文稱維大契丹國興中府重熙十五年丙戌歲十一

月丁丑朔云云與王偁所記合而此書不載
是其於國號之更改尚未詳也文獻通考稱
遼道宗改元壽昌洪遵泉志引李季興東北
諸蕃樞要云契丹主天祐年號壽昌又引北
遼通書云天祚即位壽昌七年改為乾統而
此書作壽隆殊不思聖宗諱隆緒道宗為聖
宗之孫何至紀元而犯祖諱考今興中故城
即古爾板蘇巴爾漢譯言三塔也故土人亦稱三座塔云東南七十里柏

山有安德州靈巖寺碑稱壽昌初元歲次乙亥又有玉石觀音像唱和詩碑稱壽昌五年九月又易州有興國寺太子誕聖邑碑稱壽昌四年七月均與洪遵所引合又老學菴筆記載聖宗改號重熙後避天祚嫌名追稱重熙曰重和考興中故城鐵塔記旁有天慶二年釋迦定光二佛舍利塔記稱重和十五年鑄鐵塔與陸游所記亦合而此書均不載是

其於改元之典章多舛漏也潛研堂金石文
跋尾又稱據太子誕聖邑碑諸人結銜知遼
制有知軍州事通判軍事知縣事之名而百
官志亦不載是其於制度有遺闕也至屬鶚
遼史拾遺所摭尤不可更僕數此則考證未
詳不得委之文獻無徵矣然其書以實錄為
憑無所粉飾如宋史載太平興國七年戰於
豐州據此書則云保裔被擒而降後為昭順

軍節度使審其事勢遼史較可徵信此三史
所由並行而不可偏廢歟乾隆四十九年十

一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

遼史卷一

元中書右丞相總裁托克托等修

本紀第一

太祖上

太祖大聖大明神烈天皇帝姓耶律氏諱億字安巴堅
小字多爾濟契丹德呼勒部轄塔哩錫林耶律穆魯
人德祖皇帝長子母宣簡皇后蕭氏唐咸通十三年生

初母夢日墮懷中有娠及生室有神光異香體如三歲
兒即能匍匐祖母簡獻皇后異之鞠為己子常選於別
幕塗其面不令他人見三月能行晬而能言知未然事
自謂左右若有神人翼衛雖齟齬言必及世務時伯父
當國疑輒咨焉既長身長八尺豐上銳下目光射人闕
弓三百斤為塔瑪噶賽特小黃室韋不附太祖以計降
之伐裕爾庫烏爾古六奚畢沙叙諸部克之國人號額
珍錫哩唐天復元年歲辛酉哈陶津汗立以太祖為本

部額爾奇木專征討連破室韋伊濟及奚帥錫爾格俘獲甚衆冬十月授大德呼勒府額爾奇木明年秋七月以兵四十萬伐河東代北攻下九郡獲生口九萬五千駝馬牛羊無算九月城龍化州于潢河之南始建開教寺明年春伐女直下之獲其戶三百九月復攻下河東懷遠等軍冬十月引軍畧至薊北俘獲以還先是德祖俘奚七千戶徙饒樂之清河至是創奚德呼勒部分十三縣遂拜太祖裕悅總知軍國事明年歲甲子三月廣

龍化州之東城九月討黑車子室韋唐盧龍軍節度使
劉仁恭發兵數萬遣養子趙霸來拒霸至武州太祖諜
知之伏勁兵桃山下遣室韋人摩哩詐稱其酋長所遣
約霸兵會平原既至四面伏發擒霸殲其衆乘勝大破
室韋明年七月復討黑車子室韋唐河東節度使李克
用遣通事康令德乞盟冬十月太祖以騎兵七萬會克
用于雲州宴酣克用借兵以報劉仁恭木瓜澗之役太
祖許之易袍馬約為兄弟及進兵擊仁恭拔數州盡徙

其民以歸明年二月復擊劉仁恭還襲山北奚破之汴
州朱全忠遣人浮海奉書幣衣帶珍玩來聘十一月遣
偏師討奚雷諸部及東北女直之未附者悉破降之十
二月哈陶津汗殂羣臣奉遺命共請立太祖赫嚕等勸
進太祖三讓從之

元年春正月庚寅命有司設壇舒伊旺尼珠琿溫燔柴
告天即皇帝位尊母蕭氏為皇太后立皇后蕭氏北宰
相蕭實喇南宰相耶律烏魯斯率羣臣上尊號曰天皇

帝后曰地皇后庚子詔皇族承約尼氏九帳為第十帳
二月戊午以從弟達勒達為德喀勒部額爾奇木征黑
車子室韋降其八部夏四月丁未朔唐梁王朱全忠廢
其主尋弒之自立為帝國號梁遣使求告劉仁恭子守
光曰其父自稱幽州盧龍軍節度使秋七月乙酉其兄
平州刺史守奇率其衆數千人來降命置之平盧城冬
十月乙巳討黑車子室韋破之

二年春正月癸酉朔御正殿受百官及諸國使朝辛巳

置特哩袞典族屬以皇弟薩喇為之河東李克用卒子存勗襲遣使弔慰夏五月癸酉詔薩喇討烏丸黑車子室韋秋八月壬子幽州進合歡瓜冬十月己亥建明王樓築長城于鎮東海口遣輕兵取托歡叛入室韋者

三年春正月辛遼東二月丁酉朔梁遣郎公遠來聘三月滄州節度使劉守文為弟守光所攻遣人乞兵討之命皇弟錫里素額爾奇木蕭達魯以兵會守文于北渚口進至橫海軍近浞一鼓破之守光潰去因名北渚口

為會盟口夏四月乙卯詔左僕射韓知古建碑龍化州
大廣寺以紀功德五月甲申置羊城于炭山之北以通
市易冬十月己巳遣鷹軍討黑車子室韋破之西北烏
梁海部族進輓車人

四年秋七月戊子朔以后兄蕭達魯為北府宰相后族
為相自此始冬十月烏滿山奚庫濟及扎嚕特超默特
等叛討平之

五年春正月丙戌朔日有食之丙申上親征西部奚奚

阻險叛服不常數招諭弗聽是役所向輒下遂分兵討
東部奚亦平之於是盡有奚靺之地東際海南暨白檀
西踰松漠北抵潢水凡五部咸入版籍三月次灤河刻
石紀功復畧地薊州夏四月壬申遣人使梁五月皇弟
埒克特爾格伊德實安圖謀反安圖妻訥默庫知之以
告得實上不忍誅乃與諸弟登山刑牲告誓天地赦其
罪出埒克為德呼勒部額爾奇木封訥默庫為晉國夫
人秋七月壬午朔錫爾丹洎諸蕃使來貢八月甲子劉

守光僭號幽州稱燕冬十月戊午置鐵冶十一月壬午遣人使梁

六年春正月以華格為特哩袞二月戊午親征劉守光三月至自幽州夏四月梁朱友珪弑父自立秋七月丙午親征珠巴克隆之俘獲以數萬計命弟埒克分兵攻平州八月壬辰上次恩德山皇子魯呼生冬十月戊寅埒克破平州還復與特爾格伊德實安圖等反甲申使致祭于梁壬辰還次北阿嚕山間諸弟以兵阻道引軍

南趨十七灤是日燔茶翼日次七渡河諸弟各遣人謝
罪上猶矜憐許以自新是歲以兵討兩治以所獲僧崇
文等五十人歸西樓建天雄寺以居之以示天助雄武
七年春正月甲辰朔以用兵免朝晉王李存勗拔幽州
擒劉守光甲寅王師次赤水城弟埒克等乞降上素服
乘赭白馬以將軍耶律魯庫實喇堅安巴為御解兵器
肅侍衛以受之因加慰諭埒克等引退上復數遣使撫
慰二月甲戌朔梁均王友貞討殺其兄友珪嗣立三月

癸丑次蘆水弟特爾格圖為奚王與安圖擁千餘騎而
至紹稱入覲上怒曰爾曹始謀逆亂朕特怒之使改過
自新尚爾反覆將不利於朕遂拘之以所部分隸諸軍
將克引其衆至伊蘇濟勒浞具天子旗鼓將自立皇太
后陰遣人諭令避去會瑪古納古爾陽言車駕且至其
衆驚潰掠居民北走上以兵追之將克遣其黨伊德實
引兵徑趨行宮然其輜重廬帳縱兵大殺皇后急遣舒
古魯救之僅得天子旗鼓而已其黨珊蘇庫復劫西樓

焚明王樓上至土河秣馬休兵若不為意諸將請急追
之上曰俟其遠遁人各懷土懷土既切其心必離我軍
乘之破之必矣盡以所獲資畜分賜將士留伊勒希巴
珠勒呼總政務夏四月戊寅北追埒克己卯次穆魯聞
諸弟面木葉山射鬼箭厭禳乃執叛人嘉哩向彼亦以
其法厭之至達掄浞選輕騎追及布扎爾河盡獲其黨
輜重生口遣室韋及朮歡酋長巴爾特哩袞等五人分
兵伏其前路命北宰相蕭達魯為先鋒進擊之埒克率

兵逆戰蕭達魯以輕兵薄之其弟阿古齊臨陣射數十人斃衆莫敢前相拒至晡衆乃潰追至柴河遂自焚其車乘廬帳而去前遇巴爾特哩袞等伏發合擊遂大敗之埒克奔潰遺其所奪神帳於路上見而拜奠之所獲生口盡縱歸本土其黨庫果濟摩多皆面縛請罪師次昭圖河大雨暴漲五月癸丑遣北宰相達年率驍騎先渡甲寅奏擒埒克尼嚕古阿巴於榆河前北宰相蕭舒嚕伊德實自剄不殊遂以黑白羊祭天地壬戌埒克尼

噶古阿巴詣行在以橐索自縛牽羊望拜上還至大嶺
時大軍久出輜重不相屬士卒煮馬駒採野菜以為食
孳畜道斃者十七八物價十倍器服資貨委棄綽里特
河狼籍數百里因更埒克名巴爾丙寅至庫哩以青牛
白馬祭天地以生口六百馬二千三百分賜大小鵑軍
六月辛巳至榆嶺以實喇縣人繯古非法殘民磔之甲
中工登都庵山撫其先世奇善汗遺跡徘徊顧瞻而興
歎焉聞獄官聶呼檀造大校人不堪其苦有至死者命

誅之壬辰次狼河獲逆黨伊勒穆爾生薩之銅河南軌
下放所俘還多為裕庫呼所掠上怒引輕騎馳擊復遣
驍將分道追襲盡獲其衆并掠者庚子次阿敦濛以養
子納喇蘇附諸弟叛以鬼箭射殺之其餘黨六十各以
輕重論刑伊濟掠生口者三十餘人亦俾贖其罪放歸
本部至石嶺西詔收回軍乏食所棄兵仗召北府兵驗
而還之以額爾奇木尼嚕古附諸弟叛不忍顯戮命自
投崖而死秋八月己卯幸龍眉宮輟逆黨二十九人以

其妻女賜有功將校所掠珍寶孳畜還主亡其本物者
命責償其家不能償者賜以其部曲九月壬戌上發自
西樓冬十月庚午駐赤崖戊寅和州回鶻來貢癸未伊
實府人特哩袞穆呼爾部人托里以從逆誅詔羣臣分
決滯訟以韓知古錄其事珠勒呼掌捕亡十一月祠木
葉山還次扎固山省風俗見高年議朝政定吉凶儀十
二月戊子燔柴于蓮花濼

八年春正月甲辰以赫魯為德呼勒部額爾奇木呼哩

為特哩袞裕呼部人塔勒滿執逆黨布呼伊拉齊等
十七人獻上親鞫之辭連宗室及有脅從者乃杖殺首
惡布呼餘並原釋裕悅蘇呼之子華格屢蓄姦謀上優
容之而反覆不悛召父老羣臣正其罪并其子戮之分
其財以給衛士有司所鞫逆黨三百餘人獄既具上以
人命至重死不復生賜宴一日隨其平生之好使為之
酒酣或歌或舞或戲射角觥各極其意明日乃以輕重
論刑首惡塔克其次特爾格上猶弟之不忍寘法杖而

釋之以伊德實安圖性本庸弱為埒克所使皆釋其罪
前裕悅哈達拉子嘉哩埒克妻實喇勒濟實皆預逆謀乃命
絞殺之伊德實妻聶呼脅從安圖妻訥默庫嘗有忠告
並免因謂左右曰諸弟性雖敏黠而蓄姦稔惡嘗自矜
有出人之智安忍兇狠豁豁可塞而貪黷無厭求人之
失雖小而可恕謂重如泰山身行不義雖八大惡謂輕
於鴻毛昵比羣小謀及婦人同惡相濟以危國祚雖欲
不敗其可得乎北宰相舒瞻妻伊埒達袞於國至親一

旦負朕從於叛逆未寘之法而病死此天誅也嘉哩自
幼與朕嘗同寢食眷遇之厚冠於宗屬亦與其父背大
恩而從不軌茲可怒乎秋七月丙申朔有司上諸帳族
與謀逆者三百餘人罪狀皆棄市上嘆曰致人於死豈
朕所欲若止負朕躬尚可容貸此曹恣行不道殘害忠
良塗炭生民剽掠財產民間昔有萬馬今皆徒步有國
以來所未嘗有實不得已而誅之冬十月甲子朔建開
皇殿於明王樓基

九年春正月烏爾古部叛討平之夏六月幽州軍校齊
行本舉其族及其部男女三千人請降詔授檢校尚書
左僕射賜名烏雲給其廩食數日亡去幽卽周德威納
之及詔索之德威語不遜乃譴南征冬十月戊申釣魚
于鵬淶江新羅遣使貢方物高麗遣使進寶劍吳越王
錢鏐遣滕彥休來貢是歲君基太一神數見詔圖其像
神冊元年春二月丙戌朔上在龍化州德呼勒部額爾
奇木赫嚕等率百僚請上尊號三表乃允丙申羣臣及

諸屬國築壇州東上尊號曰大聖大明天皇帝后曰應
天大明地皇后大赦建元神冊初闕地為壇得金鈴因
名其地曰金鈴岡壇側滿林曰冊聖林三月丙辰以德
呼勒部額爾奇木赫嚕為阿勒達爾裕悅百僚遷賚有
差賜酺三日立子貝為皇太子夏四月乙酉朔晉幽州
節度使盧國用來降以為幽州兵馬留後甲辰梁遣郎
公遠來賀六月庚寅吳越王遣滕彥休來貢秋七月壬
申親征突厥托歡受項小番沙陀諸部皆平之俘其酋

長及其戶萬五千六百鎧甲兵仗器服九十餘萬寶貨
駝馬牛羊不可勝算八月拔朔州擒節度使李嗣本勒
石紀功於奇塚南冬十月癸未朔乘勝而東十一月攻
蔚新武媯儒五州斬首萬四千七百餘級自代北至河
曲踰陰山盡有其地遂改武州為歸化州媯州為汗州
因置西南面招討司選有功者領之其圍蔚州敵樓無
故自壞衆軍大譟乘之不踰時而破時梁及吳越二使
皆在馬詔引環城觀之因賜滕彥休名曰舒嚕十二月

收山北八軍

二年春二月晉新州裨將盧文進殺節度使李存矩來降進攻其城刺史安金全遁以文進部將劉殷為刺史三月辛亥攻幽州節度使周德威以幽并鎮定魏五州兵拒于居庸關之西合戰於新州東大破之斬首三萬餘級殺李嗣本之子武人以后弟阿古齊為統軍舒魯為先鋒東出關畧燕趙不遇敵而還己未裕庫咄叛命舒魯以兵討之夏四月壬午圍幽州不克六月乙巳望

城中有氣如烟火狀上曰未可攻也以署潯班師留赫
嚕盧國用守之埒克與其子賽音伯哩叛入幽州秋八
月李存勗遣李嗣源等救幽州赫嚕等以兵少而還
三年春正月丙申以皇弟安國為大內特哩袞命攻雲
州及西南諸部二月達旦來聘癸亥城皇都以禮部尚
書康默記充版蕞使梁遣使來聘晉吳越渤海高麗回
鶻準布党項及幽鎮定魏潞等州各遣使來貢夏四月
乙巳皇弟特爾格謀叛事覺知有罪當誅預為營壙而

諸戚請免上素惡其弟伊德實妻尼嚕古曰尼嚕古能
代其死則從尼嚕古自縊墮中并以奴農古叛人額爾
古濟生瘞其中遂赦特爾格五月乙亥詔建孔子廟佛
寺道觀秋七月乙酉裕悅赫嚕薨上震悼久之輟朝三
日贈賻有加冬十二月庚子朔幸遼陽故城辛丑北府
宰相蕭達魯薨戊午以裕悅赫嚕弟裕勒沁為德呼勒
部額爾奇木蕭阿古齊為北府宰相甲子皇孫鄂約生
遼史卷一

遼史卷一考證

太祖字安巴堅德祖皇帝長子 按北庭雜紀太祖父
諱斡里遼史不載

明年秋七月以兵四十萬伐河東代北 原文作河北
永樂大典作代北考兵衛志太祖授德呼勒部額爾
奇木明年總兵四十萬伐代北克郡縣九俘九萬五
千口與大典符今據改

二年河東李克用卒子存勗襲遣使弔慰原本克用下

脫卒字今據通鑑增

三年二月丁酉朔梁遣郎公遠來聘 按資治通鑑梁
開平元年五月契丹遣其臣袍笏美稜來通好帝遣
太府少卿高順報之二年五月契丹遣使隨高順入
貢且求冊命帝復遣司農卿渾特賜以手書是契丹
聘梁二年中連有二使遼史不書此特書梁遣郎公
遠來聘是梁之專使非報使也修史者各自尊其本
國故凡書聘之例如此

五年夏五月皇弟埒克特爾格伊德實安圖謀反 按
特爾格原文作迭刺考皇子表係德祖第三子本卷
後又作迭刺哥或作迭烈哥即一人也今畫一譚改
七年夏四月命北宰相蕭達魯為先鋒 按達魯原文

作迪里古考本卷四年以蕭達魯為北府宰相本傳
云達魯字達年拜北府宰相埒克作亂達魯率輕騎
追之至榆河獲埒克以獻據此則此迪里古與下文
迪里古以輕兵薄之及遣北宰相達年率驍騎先渡

名字互見皆達魯也今俱從敵魯譯改達魯

蕭達魯以輕兵薄之其弟阿古齊臨陣射數十人斃

按阿古齊原文作遏古只互考本傳及蕭達魯傳云

阿古齊與達魯總腹心部埒克北走與達魯追擒於

榆河神冊初敗周德威軍三年以功拜北府宰相據

此則此遏古只與本卷後之阿骨只皆係一人今俱

改為阿古齊

神冊元年春二月丙戌朔即律嚇嚕等率百僚請上尊

號 按嚇嚕原文作葛魯南監本作曷魯考嚇嚕本
傳請建元率百官上尊號正與此合今俱從曷魯譯
改赫嚕

百僚請上尊號三表乃允 按綱目契丹稱帝改元在
梁主瑱貞明二年十二月即神冊元年十二月也此
作二月與綱目互異

大赦建元神冊 按薛居正五代史不記安巴堅建元
事自耶律德光方記天顯之名疑當時未得其傳故

也

八月拔朔州擒節度使李嗣本 按資治通鑑契丹主
安巴堅自麟勝攻晉蔚州破之虜振武節度使李嗣
本注麟勝至蔚州中間懸隔雲朔蔚州恐當作朔州
據此則遼史書朔州可正通鑑之誤

三年冬十二月戊午以裕悅赫魯弟裕勒沁為德呼勒
部額爾奇木 按裕勒沁原文作汗里軫考即律迪
里傳迪里字裕勒沁原文作兀里軫神冊三年命為

德呼勒部額爾奇木又本紀天贊二年德呼勒部額
爾奇木迪里徇山西地本傳亦載其事據此則汗字
汧字之訛汧兀音近今從兀里軫譯改裕勒沁

遼史卷一考證